



XALQ DEPUTATLARI OQQO'RG'ON TUMAN KENGASHINING QARORI

2022 - yil 11 - aprel

VI-49-59-10-133-K/22

Oqqo'rg'on tuman hokimligi

O'zbekiston Respublikasi Prezidentining 2021 yil 13 apreldagi PQ-5072-sonli, 2022 yil 4 apreldagi PQ-197-sonli qarorlari va O'zbekiston Respublikasi Oliy Majlisi Senati Kengashining 2021 yil 22 apreldagi KQ-213-IV-sonli qaroriga asosan, hududlarni ijtimoiy-iqtisodiy rivojlantirishga qaratilgan jamoatchilik fikri asosida shakllangan va ovoz berish yakuniga ko'ra "g'olib" takliflarni tanlab olish hamda ularga mablag' yo'naltirish to'g'risida

O'zbekiston Respublikasi Prezidentining 2021 yil 13 apreldagi "Budjet jarayonida fuqarolarning faol ishtirokini ta'minlash bo'yicha qo'shimcha chora-tadbirlar to'g'risida"gi PQ-5072-sonli, 2022 yil 4 apreldagi PQ-197-sonli qarorlari va O'zbekiston Respublikasi Oliy Majlisi Senati Kengashining 2021 yil 22 apreldagi KQ-213-IV-sonli qarorida belgilangan vazifalarning ijrosini tizimli ravishda tashkil qilib borish zarurligi va yuqoridagi qarorlardan kelib chiqqan holda, Xalq deputatlari tuman Kengashining 2022 yil 24 fevraldagi VI-45-27-10-133-K/22-son qarori va unga asosan tuman Ishchi guruhi tarkibi, mablag'larni jamoatchilik fikri asosida shakllantirilgan tadbirlarga yo'naltirish tartibi to'g'risidagi NIZOM tasdiqlangan.

Shundan so'ng, ushbu tadbirlar uchun hozirgi kunga qadar amalga oshirilgan ishlar yuzasidan ma'lumot berib o'tdi.

Jumladan, O'zbekiston Respublikasi Prezidentining 2021 yil 13 apreldagi PQ-5072-sonli qaroriga muvofiq, Oqqo'rg'on tumaniga fuqarolarni qiynab kelayotgan muammolar bo'yicha takliflarni moliyalashtirish uchun mahalliy budjetning 2,5 foizi hamda mahalliy budjetning qo'shimcha manbalari hisobidan jami bo'lib 4 mlrd. 859.0 mln.so'm mablag' "Fuqarolar tashabbusi jamg'armasi" maxsus g'azna hisobvarag'ida shakllantirilganligi Moliya vazirligi tomonidan ochilgan Ochiq budjet (openbudget.uz) portalida 2022 yil 1 fevraldan 22 fevralga qadar bo'lgan davrda tuman fuqarolari tomonidan jami 93 mlrd. 783 mln. so'mlik 152 ta taklif kiritilganligi va takliflar Ishchi komissiyaning 2022 yil 1 martdagi yig'ilishida ushbu takliflar komissiya a'zolari tomonidan loyiha qiymatlari qayta ko'rib chiqilib;

- 5000.1 mln. soʻmlik 9 ta taklif manzili aniq koʻrsatilmagan, 5120,0 mln soʻmlik 6 ta taklif takroriy va belgilangan tartibga zid ekanligi, 2700,0 mln soʻmlik 4 ta taklif Oʻzbekiston Respublikasi Prezidentining qarori bilan tasdiqlangan loyihalarga kiritilganligi, 18 010,8 mln soʻmlik 30 ta taklif shaxsiy xarakterga ega ishchi komissiya tomonidan oʻrganilganda bazaviy hisoblash miqdorining 4 ming barobaridan oshib ketganligi sababli rad etish hamda rad etilgan takliflar boʻyicha taklif bergan shaxsning shaxsiy kabinetiga rad etishning asoslangan sabablari toʻgʻrisida xabarnoma yuborilgan;

- tanlab olingan 62 mlrd. 953 mln. soʻmlik 103 ta takliflar, maʼsullar tomonidan qayta hisob-kitoblar qililib, loyihalar miqdori 61 mlrd. 220 mln. soʻm qilib belgilangan holda, jamoatchilik oʻrtasida yigirma kun davomida ovoz berish jarayoniga ruxsat berildi va ovoz berish jarayoni joriy 5 martdan 1 apreлга qadar etib belgilangan edi.

Fuqarolar tomonidan ovoz berish jarayoniga ruxsat etilgan 103 ta taklifdan 34 tasiga jami 53 704 ta ovoz berildi.

Ovoz berish yakuniga koʻra, Moliya Vazirligining 2021 yil 6 sentabr kungi “Tuman va shaharlarda fuqarolar tomonidan bildirilgan takliflar asosida gʻoliblarni aniqlash yuzasidan” qoʻllanmasi talablari asosida jamgʻarmada shakllangan mablagʻ doirasida ENG KOʻP ovoz olganlardan boshlab, pastga qarab, 5 ta taklif “gʻolib” deb topilib, ushbu takliflarning qiymati 4 mlrd. 850,0 mln.soʻmni tashkil etmoqda.

Shuningdek, Oʻzbekiston Respublikasi Prezidentining 2022 yil 4 apreldagi PQ-197-sonli qaroriga asosan 2022 yil fevral-mart oylarida oʻtkazilgan tashabbusli byudjet jarayonlari natijalariga koʻra qoʻshimcha gʻolib deb loyihalarni amalga oshirish boʻyicha respublika byudjetidan 500,0 mln mablagʻ ajratilib jami 6 ta tashabbus “gʻolib” deb topilib jami yoʻnaltiriladigan mablagʻ 5 mlrd 350,0 mln soʻmni tashkil etmoqda.

Gʻolib takliflarni moliyalashtirish tegishincha Xalq deputatlari tuman (shahar) Kengashi tomonidan tasdiqlanadigan manzilli roʻyxat asosida amalga oshirilishi belgilangan (ilova manzilli roʻyxat).

Jamoatchilik fikri asosida shakllantirilgan tadbirlarni amalga oshirish boʻyicha tuzilgan shartnomaga ishlar hajmining koʻpayishi yoki loyihaning oʻzgartirilishi bilan bogʻliq oʻzgartirishlar kiritilishiga yoʻl qoʻyilmaydi.

Jamgʻarmada ushbu mablagʻ ajratilgan taqdirda 9,0 mln.soʻm mablagʻ qoldiq qolmoqda.

Tuman budjetlarining jamoatchilik fikri asosida shakllantirilgan tadbirlarni moliyalashtirishga yoʻnaltirilgan mablagʻlarining belgilangan maqsadlarda va samarali foydalanilishi hamda mablagʻlarning ajratilishi uchun taqdim etiladigan barcha hujjatlarning haqqoniyligiga Ishchi komissiya aʼzolari shaxsan javobgarligi eslatib oʻtildi.

Kun tartibidagi masalalarni koʻrib chiqib, Xalq deputatlari Oqqoʻrgʻon tumani Kengashi

QAROR QILADI:

1. Oʻzbekiston Respublikasi Prezidentining 2021 yil 13 apreldagi “Budjet jarayonida

fuqarolarning faol ishtirokini ta'minlash bo'yicha qo'shimcha chora-tadbirlar to'g'risida"gi PQ-5072-sonli va 2022 yil 4 apreldagi PQ-197-sonli qarorlari va O'zbekiston Respublikasi Oliy Majlisi Senati Kengashining 2021 yil 22 apreldagi KQ-213-IV-sonli qarorida belgilangan vazifalarning ijrosi yuzasidan hisoboti ma'lumot va ijro uchun qabul qilinsin.

2. Komissiya a'zolari o'z xulosalariga asosan:

- Moliya Vazirligining 2021 yil 6 sentabr kungi "Tuman va shaharlarda fuqarolar tomonidan bildirilgan takliflar asosida g'oliblarni aniqlash yuzasidan" qo'llanmasi talablari hamda O'zbekiston Respublikasi Prezidentining 2022 yil 4 apreldagi PQ-197-sonli qarori asosida ENG KO'P ovoz olgan, 6 ta taklif "g'olib" deb topilib, ushbu takliflarning qiymati 5 mlrd. 350,0 mln. so'm miqdorida ilovadagi manzilliy ro'yhat asosida tasdiqlansin va ijro uchun qabul qilinsin.

Jamoatchilik fikri asosida shakllantirilgan tadbirlarni amalga oshirish bo'yicha tuzilgan shartnomaga ishlar hajmining ko'payishi yoki loyihaning o'zgartirilishi bilan bog'liq o'zgartirishlar kiritilishiga yo'l qo'yilmaydi.

Belgilab qo'yilsinki,

- Jamoatchilik fikri asosida shakllantirilgan tadbirlarni amalga oshirish bo'yicha tuzilgan shartnomaga ishlar hajmining ko'payishi yoki loyihaning o'zgartirilishi bilan bog'liq o'zgartirishlar kiritilishiga yo'l qo'yilmasin;

- Buyurtmachi tashkilotlar ajratilgan mablag'larni, loyiha-smeta hujjatlari asosida belgilangan tartibda maqsadli ishlatilishini va amalga oshirilgan ishlar bo'yicha Xalq deputatlari tuman Kengashi va tuman hokimligi huzuridagi ishchi guruhga ma'lumot kiritib borsin.

3. Tuman hokimligining axborot xizmati rahbari - matbuot kotibi, tuman "Oqqo'rg'on ovozi" gazetasi (A.Madiyev) bilan birgalikda jamoatchilik fikri asosida shakllantirilgan va "g'olib" deb topilgan tadbirlarning moliyalashtirishi hamda amalga oshirilishi lozim ishlar bo'yicha ma'lumotlarni keng jamoatchilikka muntazam yoritib borilishini ta'minlasin.

4. Tuman hokimligi Moliya bo'limi (Modirator) ma'lumotlarni "Ochiq budjet" portaliga joylashtirilib borilishini ta'minlasin.

5. Tuman budjetlarining jamoatchilik fikri asosida shakllantirilgan tadbirlarni moliyalashtirishga yo'naltirilgan mablag'larining belgilangan maqsadlarda va samarali foydalanilishi hamda mablag'larning ajratilishi uchun taqdim etiladigan barcha hujjatlarning haqqoniyligiga Ishchi komissiya a'zolari shaxsan javobgarligi eslatib o'tilsin.

6. Mazkur qaror ijrosini nazorat qilish Xalq deputatlari Oqqo'rg'on tumani Kengashining Mahalliy byudjet, iqtisodiy isloxlarni amalga oshirish, investitsialar va tadbirkorlikni rivojlantirish masalalari bo'yicha doimiy komissiyasi raisi X.Djo'raboyevga yuklatilsin.

**Xalq deputatlari tuman Kengashi
raisi**



A.Karimdjanov

Xalq deputatlari Oqqo'rg'on tuman Kengashining
2022 yil 11 apreldagi
VI-49-59-10-133-K/22-son qaroriga
1-ilova

**Oqqo'rg'on tumani bo'yicha 2022 yilda jamoatchlik fikri asosida shakllangan tadbirlarni moliyalashtirish bo'yicha
MANZILLI RO'YXAT**

ming so'mda

№	G'olib taklif ma'lumotlari			Amalga oshirishning aniqlangan qiymati	Xaqiqatda ajratilgan*	Moliyalashtirish manbasi (FTJ, qo'shimcha manba, byudjet parametri)	Buyurtmachi tashkilot
	Taklif ID raqami	Qisqacha mazmuni	To'plagan ovozlari soni				
"Fuqarolar tashabbusi jamg'armasi"da shakllangan mablag'					4 859 000	x	x
O'zbekiston Respublikasi Prezidentining 2022 yil 4 apreldagi PQ-197-sonli qaroriga muvofiq qo'shimcha g'olib deb topilgan tashabbusga respublika budjetidan ajratilgan mablag'					500 000	x	x
1	1820400001	Oqqo'rg'on tumani Qo'shtepa MFY Paxtakon kishlog'ini ichimlik suv bilan taminlash	9665	990 000	990 000	Fuqarolar tashabbusi jamg'armasi	Xokimiyat
2	1820400062	Oqqo'rg'on tumanidagi 8-maktab sport zalini ta'mirlash	9650	700 000	700 000	Fuqarolar tashabbusi jamg'armasi	Xalq ta'limi bo'limi
3	1820400045	Oqqo'rg'on tumani Navbaxor MFY Yangijoy qishlog'ini gazlashtirish	8807	980 000	1 080 000	Fuqarolar tashabbusi jamg'armasi	Xokimiyat

4	1820400035	Oqqo'rg'on tumani Uchtepa maxallasini va 32-maktab filialini gazlashtirish kerak	8755	1 000 000	1 080 000	Fuqarolar tashabbusi jamg'armasi	Xokimiyat
5	1820400057	Oqqo'rg'on tumani 34-maktab maktabni ta'mirlash	6881	1 000 000	1 000 000	Fuqarolar tashabbusi jamg'armasi	Xalq ta'limi bo'limi
6	1820400068	Oqqo'rg'on tumani 31 maktab moddiy texnika bazasini rivojlantirish	6259	500 000	500 000	Respublika budjetidan ajratilgan mablag'	Xalq ta'limi bo'limi
Jami yo'naltirilgan mablag'					5 350 000		
Taqsimlanmagan mablag'					9 000		